

峨眉山志

我眉山志卷之一

星野

郡邑必首考星野名山而詳星野何也易曰在天成象在地成形上下本相對待成形之大孰有如名王者乎故志星野

常璩云鹵嶰峨嶠地稱天府其精靈上應井絡河圖括地象云峨嶠上值天井故多雨潦占候井明大盛多風雨月犯井多風雨日暈井多陰雨大風是也張子家峨山志謂峨山在九圍中下鎮梁益上應鶉首爲南戒之宗與秦同分熊南沙過跋云志敘分野旣

引夾漈之說明常璩以爲井絡者無據矣其稽兩戒而定峨嵋以爲在井絡之南亦終未能曉然自解于夾漈之疑而又曰星應與鬼君子精敏小人詭黠則疑于口給誇多自變井絡之說矣按井絡宮曰巨蜥辰曰未方曰鹵南在地坤維值坤故多文章值未故尚滋味德在少昊又尚辛香也峨位鹵南物產相符則井絡之說近之熊跋亦未盡也 天文志謂嘉定屬東井與鬼分野今州治峨山上當井絡故山頂有井絡泉

義眉山志卷之二

形勝

附峯岩臺石岡洞坡坪溪河溝池泉井山道水道

郡邑形勝以扼塞要害言也名山形勝則不然詳其鍾靈蘊秀之所在窮高極遠之所歸令觀者爽心豁目如當臥遊而峰巖臺石溪池泉井等附焉故志之義山高出鹵南禹貢梁州之山岷嶓蔡蒙鹵山皆岷北山皆嶓南山皆蒙義眉之在禹貢則蒙山之首也任豫益州記云義眉在南安縣界兩山相對如義眉張華博物志以爲牙門山本傳云魯善財禮德雲比丘時佇立妙高峰觀此山如初月現故稱義眉郡志

因謂此山雲鬟凝翠鬢遙妝真如螭首蛾眉細而  
長美而艷也山有大峩中峩小峩中峩卽二峩古綏  
山一名覆蓬方輿記云綏山廢縣在峩眉縣鹵四十  
里高牛大峩形如覆釜雄據南方上有天池葛由洞下有豬肝洞魚洞  
小峩卽三峩一名鐔刃山在縣東鹵六十里距二峩  
九里高半之兩山耕作可得數千人其間艸木茶菜  
荳芋蕃廩豐熟足當田疇十分之五又眉州山川志  
亦載峩眉在州城南二百里五代時眉州卽嘉州及  
唐析嘉州別置眉州宋明旣因之紀志者猶以峩山  
屬眉州今實屬嘉定而峩眉縣以山得名亦舊名云

按名山記峩眉周匝千里高二百二十里石龕一百  
十二大洞十二小洞二十有八南北有臺名勝記云  
前之岷江大出而尾小背之瓦屋上正而平章遠之  
雪山纖浮而汨沒峩山志云後有曬經瓦屋青城天  
竺雪山屏峙環列前卽二峩三峩然二山俱以大峩  
得名大峩高峻旣極足以兼二山也從光相寺佛殿  
西望見三峰插天皆積雪如銀每日下峰頭則殿中  
然燈相傳此卽西域崑崙山卽雪山也每日月掩映  
相爲晝夜夏日從北峰西下冬日從南峰下惟春秋  
間從中峰下不爽云西域去此尚遠悉目力難及今

省城西望亦有雪山晴明時可見壘茂纔三百里爾  
宋白詩云不知立處高多少但見星辰在下頭宋田  
錫云高二百里作一盤八十四盤青雲端豈以至高  
求至高耶東坡亦云峨眉山西雪千里今峨眉當省  
城東南三百餘里而城樓登望不及則言八十里六  
十里者近是唐太宗詠秋日詩有云還似成都望直  
見峨眉前此語極盡山川形勝太宗未至成都但嘗  
遙領益州神相所矚耳國憲家猷云峨眉在蜀爲  
最高峻蓋衆山盤礴而成齊之秦岱楚之武當皆不  
及也李太白所稱峨眉高山出西極天羅浮直與青溟

齊者非妄

諸經發明

華嚴經第四十五卷諸菩薩住處品西南方有處名  
光明從管已來諸菩薩衆於中止住現有菩薩名曰  
賢勝而普賢菩薩與其眷屬三千人俱常在其中而  
演說法

楞嚴經圓通品普賢菩薩白佛言我與恆沙如來爲  
法王子十方如來教其弟子菩薩根者修普賢行從  
我立名我用心聞分別衆生所有知見若干他方恆  
沙界外有一衆生心中發明普賢行者我于爾時乘



六牙象分身百千皆至其處縱彼障澁未得見我我  
與其人暗中摩頂擁護安慰令其成就此普賢自唱  
本因故雜花經云普賢于道場門化人天等衆現相  
海於峨眉山中密引世人而通菩提覺性心王菩薩  
曰西南有山名光明現有菩薩名賢勝三千眷屬常  
在其中而演說法周烈王時有寶掌和尚名千歲始  
生時手掌有印文來禮普賢設像供養嘗嘆此山曰  
高出五嶽秀甲九州震旦第一山也漢永平中癸亥  
六月一日有蒲公者採藥于雲窩見一鹿足跡如蓮  
花異之追至絕頂無踪乃見威光煥赫紫霧騰涌聯

絡交輝成光明網。駭然嘆曰：此瑞希有，非天上耶。徑投西來千歲和尚，告之。答曰：此是普賢祥瑞于末法中守護如來相教。現相於此化刹，一切衆生汝可詣騰法二師究之。甲子洛陽叅謁二大師，具告所見。師曰：善哉！希有汝等得見普賢真善知識。咎我世尊在法華會上以四法付之一者爲諸佛護念，二者植衆德本，三者入正定聚，四者發救一切衆生之心。菩薩依本願而現像於義眉山也。蒲歸乃建普光殿，安願王像菩薩示現。始於此。一云四月八日具瞻，明帝勅建寺名光相，白馬少林同時。其在道家謂之勝峰，乃黃帝問道於天皇真人處。天

皇即廣成子

三皇經云皇人者泰帝所使在又云人義眉山授黃帝真人五牙之法

天中有三十六洞天茲當第七洞天

一名虛靈洞天一名靈陵太妙

天飛珰羽經曰義眉之山金臺之室飛珰羽經秘其

內稽神樞云句曲洞天西通義眉皆大道也

其間有小徑雜路阡陌抄會非止一處華陽國志義

眉山孔子地圖言有仙藥漢武帝遣使者祭之欲致

其藥不可得

山海經西皇人之山皇水出焉又有中皇西皇之山

按崑眉閣經皇人中皇西皇山即三義也

張天師二十四治圖序云第六本竹治在蜀州新津

縣去成都百二十五里高千三百丈上有白水營  
林在治陌北有龍穴地道通峨眉山郭子聲得道之  
處後有林竹西十五里通鶴鳴山治前水中常有神  
道遊戲號龍門

先天傳云青城峨眉益登慈母繁陽嶓塚各有洞天  
不在十大洞天三十六小洞天之數洞之仙曹如人  
間郡縣聚落耳

名山記曰益州西南青城山一名青城都山形似城  
其上有崑舍赤壁張天師所治處南連峨眉亦有洞  
天諸靈書所藏不知當時第幾洞天也

峩眉後周所置青衣平羌舊理此按峩眉縣卽古隨之綏山唐之羅目二縣入焉縣西四十里卽綏山址葛由賣木牟處縣南三十里卽羅目址本羅蒙山訛爲羅目也今之木牟鎮羅目街是 李膺益州記云隋開皇九年立峩眉縣以山爲名縣在南安之西峩眉之東唐乾元間獠叛移就峩眉觀東今縣理是

酈道元水經注峩山東北有武陽龍尾山并仙者羽化之所於其處得遺詠雖神栖白雪屬想芳流藉念泉鄉覽其餘誦匪直遙想遐踪愛其文韻可念故端願抽札以詮其詠略曰登武陽觀樂數峩嶺千鈚洋

山口命駢螭駕白駒臨天亦心踟躕千載後不知如  
凡野大幾者自縣勝峰門出至華嚴院十五里前代  
千巖山剎寺六所惟允相居山絕頂爲游山之底極  
華嚴居山之前峰爲游山之嚮導而白水寺居其中  
自白水歷線徑六十里至頂卽普賢示現處屋皆以  
板代瓦今菴寺數十倍于晉矣

峰

香爐峰在龍昇岡轉身回龍山羅漢寺東

寶掌峰在大綫石後

呼應峰在白雲峰左中峰寺後智者大師道場下有  
茂真尊者庵孫真人隱戕眉時與大師尊者常相呼  
應故名寺後有碁盤石相傳三人奕碁於此庵前有  
溫涼泉三仙洞雄黃石

玉女峯在玉女橋上華嚴寺左峰上有池相傳爲天  
女浴器深廣四尺歲枯不涸宋邛州守馮楫結茅峰  
下誦誦華嚴天女饋食於此池畔有飛龍庵庵旁一

石有龍蟄焉一夕雷神劈石石開龍飛去故名左又有鳳嶺庵今俱廢

白雲峰卽白巖峰在中峰寺後

十七峰在萬年寺前四圍環繞一云卽寶掌峰

鉢盂峰在萬年寺前平地突起如盂

石筍峰在萬年寺前雙飛橋石筍溝黑龍潭又名玉筍峰一云在長老坪左

翠竹峰在長老坪右

十二峰尖在九老峰上近後牛心寺

天池峰在山頂下卽洪椿坪



齒牙峰在山頂天啓庵下

蓮花峰在山頂呼應庵東上有不到寺水蓮花四季俱開一云卽青蓮峰與大尖峰也

牛心頂在雙飛橋後

蓮華頂在初殿九嶺岡上

又華嚴寺上古心坪亦名華嚴頂

千佛頂在山頂卽千佛巖下多高人隱此頂亦峰類故附於此

弓背山卽木皮殿賓山

馬鞍山在五十三步下太平橋前

花山卽四義山其形稜瓣如花以上山以形得名故

亦附峰後

巖

象鼻巖在後牛心寺

觀音巖有二一在後牛心寺進洪椿右手一在八十  
四盤大歡喜亭下

光明巖在天仙橋側一云卽觀佛臺

臺

授道臺在純陽殿後宋皇坪上相傳軒轅訪道於天  
皇真人授九仙三一五牙經處舊有道紀堂幽館別  
室三百五十間臺右有千人洞名虛靈第七洞天又

有呂仙劍畫十字洞

升仙臺在呂仙十字洞右後漢漢安元年爲瞿君武  
字鵠入錢眉師事天皇真人得仙乘白龍往來每繫  
龍於彭山黃龍鎮灘上龐籍詩巢鳳閣邊勞遠夢繫  
龍灘下認前題是也灘卽寶磬洲卽漢綏和五年健  
爲人得寶磬十六上獻處

歌鳳臺在大教右前楚狂舊廬明弘治年間督學王  
公敕改今名

觀佛臺在鐵瓦殿前一名光相臺

小觀佛臺在山頂觀音閣前

七寶臺在山頂金剛石下一名獨尊臺巖下有石臺  
石樞刻有穆儀引日精結璘致月神得道處

石

太湖石有二一在無量殿左此石煎湯服之可療心  
氣疼痛一在太湖庵下

宛轉石在黑水坪

晉賢石在楠木坪下從純陽殿望之可見

大義石在神水側有呂純陽壽大義石三字陳圖南  
書福壽二字

鳳嘴石卽鷄公石在歌鳳臺

牛心石在雙飛橋下明瑩照人眉目

雄黃石

棋盤石俱在呼應庵後

太子石在頂心坡中

升象石在洗象池側

蓮花石在初殿上

善財石在接引殿後觀音閣巖下

象王石在太子坪下

天門石在山頂老僧樹旁兩石如削中通一線深二丈許爲天然門戶此處石壁凡三折始達山道至七

天橋尋常圖畫皆不能似

瑞星石在山頂通精泉下錫瓦殿側

金剛石有二一卽七寶臺下有石室石樞在觀佛臺  
巖左峭削六稜見者赫然一在天柱峰自此可至後  
牛心寺

盤陀石在七寶臺下

石笋

聖鐘俱在九老洞下

仙人面

仙人手俱在山頂觀音巖絕壁人不能到

蓬萊三島石直下有無縫塔

飛雲霞俱在千佛頂下以雲射朝霞得名

東坡石卽龍門洞石壁題額處

岡

九嶺岡在初殿上

黑水岡

白水岡俱在本寺前

龍昇岡在雙飛橋下中峰寺上

飛來岡在縣北大廟後有飛來殿殿內有唐時家慶樓呂純陽仙筆詳古蹟

洞

風洞有二一在涼風橋一在萬松山大小溪坑上十字洞在宋皇觀右呂純陽以劒劃之此洞深廣叵測水自龍門對山飛作瀑布嘗見竹籊隨水流出

白龍洞有三二在古德林此處分上下二洞上洞淹沒下洞今填築爲庵一在雙飛橋北磴道上白巖石刻白龍洞三字不知所在

丹砂洞洞旁舊有祠祠板羅漢乃唐僧繇畫甚著靈異

孫真人洞俱在後牛心寺左孫思邈煉丹洞也藥爐



丹竈見存巖石皆碎裂無州木說者以爲丹氣熏蒸所致方士多取此石煮服以爲能助精養神云張方平有詩載後

無懷洞在黑水寺前惠續尼院旁

三仙洞在呼應庵後

羅漢洞在木皮殿下僅石罅數尺

九老洞在九嶺岡初殿上黃帝訪天皇真人至此遇一叟洞外問有侶乎答以九人故名洞深窈莫測舊有入者然炬始行三十餘里聞鷄犬鼓樂音蝙蝠如鴉撲炬乃出中有觀音水一勺可資掬飲巖下卽卜

應泉也

伏羲洞

女媧洞

鬼谷洞俱在雷洞坪巖下鬼谷於此著書名珞琰子  
葛仙洞在二峩山白巖溪上周成王時羌人葛由騎  
木羊處詳神仙上有天池與李仙洞相對

李仙洞在二峩山

玉蟾洞在二峩山口仰天窩下白巖溪旁相傳白海  
琉璃隱處

龍門洞離縣西十里在石家壩卽雙飛橋下二水合

流至此兩山相對如合水從中出紺碧無底兩巖卓  
立色如碧玉刻削光潤入峽千餘尺有兩瀑布各出  
一巖頂巖根有盤石承之激爲飛雨濺沫人過其前  
衣皆沾溼絕壁有圓龕出水可二丈卽龍洞也峽中  
石塞水清非復人世境人亦不能久留也俗人云聞  
峩眉雙飛不減廬山峽及至龍門雙飛又在下風天  
下峽泉之勝推第一云有東坡大書龍門二字遊者  
乘桴而入援梯而上道極險峻壁上刻古今文人詞  
翰極多

紫芝洞一名猪肝洞在羅目街對門明督學王公敕

過洞前羅目街知有異物掘地得石碣上有紫芝洞  
三字旁註一山五口道人書今猶豎道左

爛柯洞在紫芝洞上一里洞口刻爛柯二字

魚洞在縣南三十里二峩山下其水混混夏涼冬溫  
下卽冷水河河畔有乾洞元和志謂有穴初纔容一  
人行數里漸覺平坦有蝙蝠大如箕至此止而難進  
坡

解脫坡在涼風橋上

三望坡在中峰側

金剛坡在雙飛橋洪椿坪大路

象牙坡在白龍洞上  
觀心坡在萬年寺上  
梅子坡在木皮殿上

坪

華嚴坪在純陽殿後相傳赤城隱士舊居一名赤城  
山有古心和尚開建靜室亦名古心坪

宋皇坪孤峙於伏虎寺左乃天皇授道於軒轅處詳  
授道臺

洪椿坪卽千佛庵在牛心寺後詳寺觀

聖水坪有泉三冬不涸在響水壩一云在山頂學士

堂後

太子坪在三倒拐上卽萬行庵

大義坪卽冷竹坪對門山

九龍坪卽蓮花石對面

寶掌坪在洪椿坪右

黑水坪在本寺前

大坪在洪椿坪左

長老坪在大小溪坑上

雷洞坪在梅子坡下有雷龍居此凡七十二洞

軟州坪在山頂思佛亭前

大佛坪在錫瓦殿門前下坡

杪羅坪在千佛頂後每見前賢游山記俱以八十四盤大歡喜亭上爲杪羅坪詢之山中耆舊云坪在山後非初登頂卽有此坪也如以地有杪羅疑之此花遍滿山頂無處不可名杪羅坪也

羅漢坪在山頂與杪羅坪相連梵僧於此出沒獅子坪近羅漢坪景最幽雅

### 溪

虎溪在伏虎寺前上通馬家溝下通瑜伽河溪內石子細潤可琢爲硯

梁渡溪在雙飛橋後此可至後牛心

雙溪有二一卽雙飛橋舊名雙溪橋二水從橋下出溪中有五色石白質青章朝日射之先輝發名大士小現一在青龍場對門觀音庵上

虎跳溪一名虎溪橋晉僧慧遠禪師初游黑水因水暴漲良久俄有虎伏於前師因騎而渡故名

寶現溪在牛心寺前宋僧三藏師繼業自天竺歸來登幾眉至此橋見兩石鬬溪上攬得其一眉目宛然以爲寶故名

洗脚溪在山頂思佛亭軟艸坪上



黑龍潭在石筍溝上九老洞下

白巖溪

銅官溪俱在二峩山下

黃沙溪在高橋上過橋卽靈巖寺

種玉溪在龍門洞下怪石刻露如玉

河

羅目河出峩眉山麓右溪自小天池以東左溪自黃毛坪以北至羅目廢縣界合二溪之委爲江水石甚奇怪

峩眉山有濛水卽大渡河也水發濛漢東鹵流與泔

水合逕汶江道呂忱曰泚水出蜀許慎以爲泚水也  
從水泚聲南至南安入大渡水大渡水又東入江一  
云大渡河出嶺州界經羅目縣東南入龍游界  
瑜伽河在普庵橋前三一庵上

彝惜水在羅目縣東北五十里源出嶺州界中有嘉  
魚長三尺每年二月隨水而下八月逆水而上入穴  
蜀都賦云嘉魚出於丙穴是也

符文水二水出大戕山北曰白水南曰黑水或云此  
水卽流至雙飛橋者

又二水俱東南流成大河故附河後

溝

馬家溝在伏虎寺後

乾溪溝在伏虎寺前

母家溝在麻子壩上

石笋溝在洪椿坪前

池

神水池在大義石旁卽玉液泉五代時智者大師就  
山入定知此水來自西域後居荆門玉泉因病思得  
大義神水飲之忽夢一麗女自言能爲師致之師云  
吾有鉢杖寄中峰寺可與俱來爲信後果以鉢盛水

攜杖而至知此女卽玉泉龍女玉泉與神水同源也  
玉女池在華嚴寺左詳玉女峰

明月池在萬年寺後

洗象池在歡喜亭

溫涼二泉在後牛心寺

隔溪卽呼應庵

入音池在黑水寺過虎跳橋遊人拍一掌則一蛙鳴  
餘蛙次第皆鳴數皆合八後一蛙復大鳴一聲衆蛙  
乃止

聖水池在十七峰下

天池有二一在大綫頂臥雲庵右半月池又名觀音

泉卽井絡泉也池上一窪日飲千人人以污穢觸之  
卽涸寺僧誦經懺謝泉始復舊故又名聖泉一在二  
義山上葛由洞側

白龍池在大義山頂近淨土庵水極甘美中有龍子  
僧以盤取示遊客甚馴旱時禱可致雨

龍池在縣西南四十里義眉山下四山環抱一鏡中  
涵瀾漫十餘里籟靜波澄風生浪作水淡黑無底其  
下有蛟龍居之每晴明時隱見大鯉四尾及水獸龍  
馬遊戲其間中多魚居民藉此爲利漢李膺記義眉  
山下有龍池廣長十里卽此

泉井

卜應泉在牛心寺久雨將晴炊米亦久晴將雨炊米亦赤餘如常

通精泉俱在錫瓦殿左今俱填沒

紫蘭泉在二義羅日街對山豬肝洞下有庵曰洞泉溫泉在棋盤寺近高橋靈巖寺

附山道

自義眉縣出南門過儒林橋街爲馬寨山舊學基十方院進五里爲聖積寺有真境樓乃高僧慧寶所建人呼老寶樓今訛爲了鵝井也又一里爲晉庵橋卽

余大師坐化處。俗人稱有音。寶殿慈願普菴二院八卦井。今俱廢。惟楊家岡向東南三里爲白水庄。蜀邸店。瑜伽河依山逆上二里爲大光明山。乃舊呼地名。又一里爲會宗堂。又一里爲虎谿橋。左上爲龍神堂。此處多虎。宋僧士性建尊勝幢。壓之。虎患始息。又行僧心菴建伏虎寺。兵火灰燼。

皇清順治庚子。貫之大師率徒可聞禪師。重建規模宏敞。雲水湊集。入峩第一叢林也。沿谿行有無量殿。

皇清巡撫羅公。托可聞重脩涼風橋。

洞以上有風洞得名

未半里

至馬家溝。解脫橋。橋上行人坐聽泉聲甚美。上卽解。

脫坡有解脫菴再進二里青竹橋爲華嚴寺寺卽歸

雲閣是也華嚴頂上有古心坪因開建僧得名下有玉女橋左卽玉女

峯上爲木涼傘傘乃大楠樹偃覆甚廣上卽楠木坪

上爲純陽殿俯谿下有石如船水出灌堰卽呼菩薩

神船也

殿後華嚴坪舊名赤城山舊有香爐羅漢白等寺今廢殿東北卽者王觀舊址名道紀堂

雲華嚴寺賓岑伏虎寺青龍山也觀在龍門洞南迤卽船下左有千人洞投道臺軒轅觀虛靈第七洞天

石有呂仙劍劃十字洞瞿真仙進一里爲五十三步右人升仙石非登頂大路不贅

天慶菴始伏虎寺行僧獨峯開建延高僧瞿如師居

之又一里爲太平橋馬鞍山谷有距那龍泉天臺等

菴俱廢山盡處爲萬福橋約里許爲大巖石石傍有



泉曰玉液亦名神水泉有陳圖南大書福壽二字又有明代督學郭公子章大書靈陵太妙之天六字道勁似顏魯公此處有福壽庵神水閣其靈文閣勝峰立禪彌陀等庵俱廢進此二里曹溪閣歸然靈苑有一僧守之欲游洪椿者飯此過越此爲歌鳳臺乃楚狂接輿舊廬臺前爲響水橋四山皆響但不見泉之來去亦奇事也俗人名此處爲山潮過鳳嘴石稍上爲中峰寺寺倚白雲峰一名白嶺乃晉乾明觀明果大師至始改爲寺出寺爲三望坡行一里爲龍昇岡龍神殿又三折過樟木牛心二嶺至前牛心寺路口下坡

爲雙飛橋橋有清音閣橋下有石狀如牛心名牛心

石當兩水交衝處其光如鑑照人眉目此處景物最

美從此彎內南入左進爲廣福寺乃寶現溪由寺入

石笋溝寶珠溪天柱峰金剛石凡數折後牛心寺

又名卧雲即古延福院有白雲青蓮二閣乃孫真人

修道處寺左丹砂洞遙望大義石左中峰寺後即呼

應峰乃智者大師道場茂真尊者與真人奕棋處有

呼應庵溫涼池後有三仙洞雄黃石由寺前下坡舊

路自觀音崑瓦廠下至積善橋亦可至洪椿坪又有

觀音洞十二尖峰白雲峽陶米泉曲行紆入景物最

佳美從雙飛橋而上有接王亭今廢又五里爲古德

林別傳和尚手植每種一樹誦法華經一字禮一拜

今延袤二里枝葉扶疎又一里爲白龍洞象牙坡又

一里爲四會亭大義樓樓乃魯班所造元朝重修明

未燬於兵火

國朝總督蔡公捐俸鼎新之樓左爲慈聖庵白衣庵海

會堂直上爲萬年寺唐僧惠通禪師建卽白水普賢

寺明神廟改今名

西去十里爲虎跳橋山壁峭立屈曲十二盤而上有八音池黑水寺

卽唐勅脩華藏寺爲一山祖庭萬年寺上爲喜允堂太子石登頂心

坡卽觀心坡也後有庵名妙觀空庵禪堂過此爲鬼門關

石碑岡茅亭嘴石子雷大小鷺嶺息心所仙女橋窄

甚又過大小溪坑上長老坪約行里許爲鷺殿一名

初殿自萬年至此總有十五里此處四時俱有笋味

勝常下有蒲氏村開山蒲公後也殿後有峰羅漢殿

今廢又上爲一碗水谷有聖僧施茶於此上九嶺岡

五里爲華嚴頂地名蛇倒退

從此而下五里至九老洞景純幽勝但路峻險

難爲山上茶庵爲九老洞僧所設行人至此稍息從此

上九龍坪木龍拐蓮花石石旣微甚小如棋枰大花

劈孱顏略似芙蓉耳又行一里危梯峭棧名鵲鴿攢

天上嶺爲初喜亭

一名錯歡喜

亭傍有小池名洗象池又

上爲滑石溝木皮殿卽古化城寺西域阿婆多開建

自九靈岡至此凡三十里有缺碑篆字人不能識

有觀音山後殿後爲梅子坡一路傍巖設立木柵欄行

人扶之而上乃秦人

劉海英趙光明

募施者從此上胡孫梯

雲梯一名凌至高處稍平爲白雲殿今廢又上爲雷洞

此處有禁殿鐫碑犯者常致風雷累至下有伏義女媧鬼谷三洞

蓋人跡罕到過雷神洞里許爲接引殿爲新殿歷八十四

盤折盡爲朝陽閣觀音巖過三倒拐爲太子坪卽萬

行庵庵基屢易今特寬廣靚淡乃行僧聞達重建旋

至回龍庵卽戒壇圓覺庵卽護國寺明神宗時通天和

尚開建內有九層沉香塔身此橫去爲通天和尙肉

庵中靜室過老僧奇躡天門石石凡三折天門寺倚石爲

門徑極幽峭左轉爲七天橋天仙橋又上爲錫瓦殿

銅瓦殿其右爲鐫瓦殿卽光相寺也寺前爲觀佛臺

右有小金殿錫瓦殿前有泉名井絡一寺仰汲金殿

之前為藏經閣即永延寺迤北為楞嚴閣從高橋峰下有小橋剛

石觀佛臺下有冷竹坪遠花峰不到寺臺左有出為培風館右橫為臥

雲庵伏虎寺可聞禪師重建庵後為觀音閣今廢閣下

有飛來鐘迤北為天啓庵庵下即七天橋文錫瓦殿左首

直下為白龍池水極甘美有龍子可掬起隨喜池下

為淨土庵乃大智和尚開建庵左過嶺直下為華藏

錫瓦殿左橫去為飛雲臺上頂為賢首閣千佛頂乃代牛僧無心所開島下連萊三島右去為羅漢師子

砂羅等坪自此朝北而行可至白龍池大覺塔院龍大路也景物湊聚不能盡述

人亦不能到也登頂四望瓦屋矚經及雪山天竺青

城一帶朗朗如在眉睫惟山多雲霧不能久晴爲悵耳

從雙飛橋至洪椿坪路清音閣後牛心寺溫煖二池石笋溝牛心頂觀音巖象鼻巖洪椿坪卽千佛庵乃明僧德心上人開建銳峰重修

從伏虎寺至靈巖寺路迹多林虎溪普同塔乾溪鞠

家漕白土岡李家店青龍場西禪寺高橋此處可至不到寺由

黃沙溪接引殿靈巖寺如從義眉縣至靈巖山聖

從義眉縣至龍門洞路出南門滑寶堂石門坎項家

壩羅家壩龍洞如從伏虎寺去由龍門壩至龍門洞從此而上有石船子卽普賢船也

從我眉縣至二我山路聖積寺埡子池陳家河白塔

岡羅目街九里場楊鎮冷水河查天岡伏蘆溪南村

茶土溪茶土寺天車坡太平寺至頂上竹公坪後山五渡

溪有金倉寺

從我眉縣至四我山路錢橋河紙錢街飛來殿廳石

河園通寺中關房花山建大設戒壇後傳衣鉢鞠

惟大師繼席規繩至嚴爲一代首儀

從四會亭至雷洞坪路西過石板磴虎跳橋卽虎十

二盤卽黑水寺此地不爲我山之最勝但滄桑後祖

沙門此間最爲勝地可居耳



麻子壩牟家嘴分水嶺

出瓦屋山  
路一轉

蕨坪公館弓背山

雷洞坪

卽幾頂新路坦  
平可通車馬

### 附水道

水經注幾眉山有濛水卽大渡水也水發濛漢東南  
流與泚水合逕汶江道許慎云泚水南至南安入大  
渡水又東合入江則幾水之源不從江出今就本山  
細考亦有多派一從峰頂井絡泉下聖水坪會合本  
山各瀾水及白龍池以下諸水俱至弓背山分水嶺  
其山以上衆水由弓背右逆行而西山以下衆水由  
弓背左順行而東逆行一支至蕨坪下山高洞子火

石溪雪水沱至洪雅縣之花溪出口入雅河下流皆  
向山後不在本縣境內其順行各支一從弓背山後  
小魚洞山魚洞內發源其水淺黑游數坡出爲黑水  
河一從雷洞坪至萬年寺雙飛橋左出二從九老洞  
至洪椿坪後牛心寺雙飛橋右出雨水交合牛心石  
出澗至回龍山與黑水合一從大義石萬定橋下折  
落溪反過中峰寺前至回龍山尾與黑水衆水合同  
出龍門洞直洞對山一水自石巖中迸瀑氣若白虹  
相傳由洪雅連山而來下龍門壩至沉犀壩邊縣左  
大佛寺下流俱出本山之左一從觀佛臺下盤龍寺

發源一從黃茆岡發源山佛到寺棋盤寺旋至捲腰石合流一從七里岡發源由角子底苦竹岡而下又前有進水洞當漲時山溪泉流皆能納入不知底止及水渴後從洞內徐溢出沿溪下折入地汨流又數里許有出水洞洞口汨汨外噴每歲初夏率多異鱗隨水而出味極佳此水直至靈巖寺與捲腰石水合同出高橋猪肝洞楊鎮場謝家渡口下流一從山麓出漸成大溪又右一溪自小天池以東左一溪自黃茆坪以北至羅目廢縣之上三溪合而爲羅目江下流一從歸化牛漩堡至太平墩合平彝衆流出中鎮

銅山沫東下流一從靈巖寺右大魚洞山魚洞內發源其水冬溫夏涼莫測遠近中有魚鱗可羨東流爲冷水河一從新開寺轉羅漢寺至香巖寺入程家河下彭家港左通虹溪橋一從高洞內發源由華巖寺解脫橋涼風洞伏虎寺聖積寺右通虹溪橋二水合而下流皆出本山右及本山前此內水之大較也至內外衣帶如青衣水發源瀘山徼外遶青衣縣西流逕南安境內沫水發源大渡河東流逕蒙山至羅目東南入游龍舊縣界二水合流又羅目東北五十里彝惜水源出鶴州界中有嘉魚長三尺每年二月隨

水而下八月逆水而上又天津水在山之西南出徽  
外入沫水又符文水衍黑白水而成其名至數大水  
中夏多支派不勝疏紀蕩蕩乎馳九折之洪濤廻五  
岫之蹇澹總宗衆眉爲谷王蓋不獨山與崑崙伯仲  
而水亦與星宿并源也

幾眉山志卷之二終

我眉山志卷之三

寺觀

琳宮梵剎不獨以棲繡羽而山之面目亦將藉是以點綴未有奇巒異岫而不瑤臺瓊室者也我眉之剎踵事增華漸趨極盛兵燹後馴至於廢者有之惟存與毀俱不可沒其名故志寺觀

寺

光相寺在大峨峰頂相傳漢明帝時建名普光殿其改名光相當在唐宋時也明初洪武遣僧寶曇重修始以鍤爲瓦明末傾圯

皇清巡撫張公德地捐俸重修載有碑記由此而下爲  
天王殿殿後左右祖師龍神二堂正中錫瓦普賢殿  
又爲銅瓦殿僧別傳開建殿後有坊曰捫參歷井坊  
旁有井絡泉由此左上爲藏經閣有舊額龍藏今失  
其半關一名永延寺僧妙峰開建峰後惟密嗣修壽九十七  
皇清雲南援勦總兵祁三昇捐資添造鍍瓦往來朝山  
者多憩息焉自樓左向後層梯而上峰頂爲滲金小  
殿一名永明寺殿左右有小銅塔四座明萬曆年間寺僧妙峰至滇募  
鑄明藩王亦捐金助脩殿瓦柱門櫺窗壁皆銅爲之  
而滲金廣一丈四尺五寸深一丈三尺五寸高二丈



五尺中安願王像駕四壁萬佛圍繞門陰刻全蜀山川形勝水陸程途一覽瞭然妙峰曾至長安募造金殿四座分送五臺義眉九華其一一座欲載普陀道險難達後以送江寧花山供奉云向左爲觀佛臺卽放光處在光相寺前約丈許臺下千佛巖在右金剛石

石下卽寶寶臺

在左辟支童子二臺兩兩對照若龍虎然亦

山頂形勢最勝處也

天門寺在天門石下僧瑞峰建石凡三折始達山路丹青不能似也

護國草菴寺明神宗賜額又名圓通菴在天門石右

通天和尚建有慈寧太后手書佛號金綉長幡今失  
惟所賜九層沉香塔尚存焉

大佛寺縣東郊明萬曆間通天和尚之徒無窮至京  
奏請慈寧太后開建寺有千手千眼觀音大士銅像  
土木弘麗賜有香燈田五百畝載在碑記

西坡寺在城西南唐武德六年建舊名壽聖西坡寺  
遊山者往來多宿此

聖積寺離義眉縣五里卽古慈福院乃軒轅問道處  
正德三年內江王重脩寺內有銅塔高二丈許永川  
萬華軒所施寺前有樓曰真境一名老寶乃慧寶禪

師建樓上有魏鶴山書峩峰真境四大字內名賢題  
詠最多舊志後嶺有洪範庵過嶺有華嚴樓大悲興  
聖二庵今俱廢惟儒林橋隔澗西坡寺度凹十方院  
無恙耳

伏虎寺在伏虎山下行僧心安開建宋紹興間虎狼  
爲患人跡罕見有高僧士性建尊勝幢一座據鎮方  
隅人物始遂明末毀於兵火繼得貫之和尚偕徒可  
聞禪師結茅接待歷有數稔於

皇清順治十八年督撫司道捐俸脩建前後左右凡列  
一十三層甚爲弘敞誠峨眉之大觀也

華嚴寺一名歸雲在玉女峰下唐福昌達道禪師道  
場宋紹興三年僧士性重脩寺有旋螺殿極奇古初  
爲白牛長老住持明洪武時僧廣圓領帖焚脩成化  
改爲會福寺有宋紹興碑及華嚴堦左刻至州十五  
里

州

疑指今

右刻至山頂七十里玉女峰頂上有池

宋有天女饋食邛州刺史馮楫故事詳形勝

中峰寺一名集雲在白雲峰下一名白巖本晉乾明

觀時道士惑于三月三日昇仙之說歲爲毒蟒所食  
有資州明果禪師至暗伏獵人射殺之道士感激改  
觀爲寺事焉宋高僧茂真尊者重脩有智者大師寄

鉢枝宋時孫王宋三真人羽化於此又黃魯直習靜處也明洪武時僧慧安法曇長老住持內晉賢大士殿明成化三年蜀昭王建

黑水寺

古對月峰初自魏晉肇公唐僖宗間高僧慧通任錫道間朝廷勅建永明華藏寺並賜無

縫衣玉環供罷滄桑無存弘建普賢延福中峰華嚴四利以山相火易二水三雲抑之繼席祖延位列傳燈承環義欽黑水曇振洞溪廣悟前後宋代悉宗風大振故古今稱我眉祖堂黑水洞溪俱以山彰名也

前牛心寺在雙飛橋上牛心嶺

後牛心寺宋繼業三藏開建一名臥雲寺一名延福院卽孫真人脩真處有吳道子畫壁十八羅漢像一云張僧繇畫宋淳祐年間僧紹才重脩明洪武時廣

濟禪師住持

萬年寺卽白水寺晉蒲氏事佛舊址寺初自晉時唐  
慧通禪師精脩唐人有聽廣濟禪師彈琴處卽此寺  
在宋爲白水普賢寺內敕建鑄大士銅像並殿高數  
餘丈太宗仁宗眞宗俱有御賜寶供三經回祿無存  
明嘉靖間旋脩旋燬萬曆間敕改聖壽萬年寺寺前  
有大義樓樓前有南戒名宗坊左豎祇樹林坊寺內  
殿凡七層一毘盧一七佛一天王一金剛一大佛一  
觀砌旋螺中用銅鑄普賢丈六金身騎象像一接引  
殿有明末代巡黃岡梧陽劉公捐造眞武祠今廢

寇亂寺焚燬殆半

皇清巡撫張公捐俸莊嚴載有碑記寺有明神廟頒賜藏經今失惟一敕尚存

靈巖寺在大義山下南進高橋寶掌和尚結廬舊址事在周烈王三十二年歷代重興至宋紹興五年改護國光林寺明成化元年又改爲會福寺後天順四年頒賜龍藏

碁盤寺在城南進高橋經太平墩路口茂真尊者開建坪前有一泉常溫

蟠龍寺近新開寺進黃沙溪冷竹坪唐慧覺禪師開

建

新開寺在伏虎寺後鞠家漕萬曆二年九老洞僧大用建

香巖寺離伏虎寺後三里西域香巖尊者居此

西禪寺在縣西南十五里羅目街上寺以僧名與醫王白鵲同時

石佛寺在縣西五里今廢

玉屏寺在縣西十里袁家溝

彌陀寺在楊鎮場下隔河卽二峩山

伽藍寺在楊鎮場



茶土寺在三峩山上

圓通寺在四峩山下上有花山明印宗和尚住此祈  
雨響驗感四衆雲集設大戒壇

觀音寺在經太平墩道傍伍家坪離城南一百里古  
洞溪和尚住靜處

本壽寺在縣北二十里溪幽至極鞠惟律師設戒所  
普賢寺離縣二十餘里寶曇國師開建

廣福寺卽前牛心寺別院在寶現溪側今廢

佛到寺在觀佛臺下由縣南轉鹵從盤龍寺黃沙溪  
冷竹坪開山日得石佛故名又云不到寺今廢

羅漢寺在新開寺下建日有梵僧赴齋齋畢不見今廢

果哲寺今廢

永延寺在九嶺岡下明周藩建

法華寺今廢

大隱寺俱在二峩山下

放光寺在後山宋嘉州刺史王良弼奏請開建今廢

庵

淨土庵在杪樵坪上明神廟初年大智和尚建真融  
秦人戒律精嚴刻苦供衆凡建立五臺伏牛峩蒼縈

華四常住最後至普陀開後海潮寺寺前逼近海涯  
龍神爲擁千步沙助之有遺願碑存庵切戒子孫不  
得背衆營私恃強相爭庵左有白龍池水極甘冽庵  
中佛像莊嚴細巧最稱如意

臥雲庵在藏經閣右性天和尚建後毀

皇清總制哈公及通省文武捐俸命可聞禪師建經  
頂無水惟此庵下有半月池合山仰汲詳形圖內載  
有碑記

迴龍庵在太子坪上有戒壇僧三濟開建  
大覺庵在通天塔左

法慧庵在太子坪後

文殊庵在七天橋右天仙橋左有坊曰爲天一柱

白衣庵

富順庵

永定庵

聖水庵

鳳凰庵

普賢庵在天門石

般若庵在錫瓦殿下

彌陀庵在錫瓦殿前

天啓庵在山頂齒牙峰下

禪定庵

金像庵

勝峰庵

萬行庵卽太子坪僧古智建

蓮華庵

洪範庵

華嚴庵

華藏庵

定慧庵

卓錫庵

毘尼庵

淨居庵

法華庵

慧日庵

太虛庵

飛龍庵在玉女峰側飛龍故事詳形勝

鳳嶺庵

解脫庵在解脫坡上卽觀音堂

呼應庵在大教石右呼應峰後相傳智者大師茂真尊者與孫真人奕碁於此呼應庵側有碁盤石有溫涼二池三仙洞雄黃石庵今廢

萬松庵今廢

佛會庵

白衣庵

慈聖庵

禪定庵

鉢盂庵

千佛庵卽洪椿坪伏牛山楚山和尚開建德心大師重修梵宇精潔結構弘敞常有千人此地曲折幽雅

最爲隱僻矣

大坪庵

石笋庵在石笋溝

寶掌庵在佛到寺右

鎖峰庵

福壽庵在大義石畔僧性天果開建

此僧另是一性天

庵舊有九曲渠流杯池咎人觴詠其中庵前有海棠

大數圍高數十丈幹直上二尋爲數百年間物石踞

神水池上體微側詳形勝

龍泉庵

維那庵

月窟庵

勝峰庵

上四庵廢

三望坡茶庵在中峰寺傍

流春庵

圓教庵

白雲庵

上三庵廢

妙觀庵在觀心坡上

九老洞茶房在華嚴頂上

洞泉庵在豬肝洞下

儀鳳庵在四峩花山下

洪範庵有二一在西坡寺前一在山頂

大悲庵

石佛庵在宋王觀壩下

三一庵在瑜伽河下

鳳嶺庵

立禪庵在曹溪洞右

寶珠庵在石笋溝

半月庵

興聖庵俱近聖積寺

龍鳳庵卽伏虎寺右靜室前蔣太史易爲蘿峰庵

飛龍庵在玉女峰下卽伏虎寺左靜室

彌陀庵

聖水坪庵

定丘庵在山頂

堂

龍神堂在伏虎寺左

觀音堂在解脫坡

西龍堂在梅樹埕下今廢

喜光堂在萬年寺今廢

本尊堂在二義山下

三藏堂在二義山下仰天窩此處產香梨櫻桃

學士堂在通天塔左

中靜堂

觀心坡禪堂在頂心坡後僧空庵開建

大慈堂

沐浴堂

會宗堂卽問宗堂風道人明光開建有碑記在伏虎



寺隔溪有太湖庵僧融虛建庵前有太湖石

海會堂在萬年寺門外近左有御賜紫衣及丁雲鵬  
畫列代祖師像八十八軸今俱毀惟佛牙尚在重十  
三觔

淨業堂在萬年寺右古泉清冽足供萬人相傳下有  
龍窩

殿

無量殿

純陽殿在華嚴寺上明御史郝衡陽建

龍神殿在三望坡上

白雲殿在梅子坡上常有白雲屯聚俗名雲壇

接引殿在八十四盤下順治庚子年有河澗府僧年八十至此見佛像臥荒叢中乃誓饑七日募修時大雪凡露餓六日蜀趙甥皇登山見而憫之歸白督臺李公捐金五百命僧開建重修

雷神殿在雷洞左

木皮殿在初歡喜亭上五里西域阿婆多開建卽古化城寺昔有昆明施紹高太后王蓋台來此遇白猿獻三菓啖之俱仙去左有古鐫碑一通字皆篆籀人不能識

鷲殿以山形如鷲鷲得名一云初殿又云鑿井初殿

在觀心坡上駱駝嶺下昔漢蒲公採藥見鹿處後八  
因立此殿殿下今尚有蒲氏村皆公後也

院

慈福院在聖積寺對門今廢

普安院在普安橋今廢

華林院在青竹橋久廢

龍門院在種玉溪上

惠續尼院在黑水寺前卽月峰禪師惠通禪師之妹  
入定處有黑虎巡廊之異院內有袈裟玉環今失  
塔院在學士堂右圓覺菴下金裝通天和尚全身在

內至今生氣宛然

樓

老寶樓卽真境樓

玉皇樓右伏虎寺溪右

家慶樓在紙錢街飛來岡大廟後詳古蹟

大義樓在萬年寺前相傳魯班造總督蔡公重建

白衣觀音樓在雙飛橋上

閣

普賢閣在中峰寺後

歸雲閣在華嚴寺後

聖水閣在大義石後高僧化機隱此明巡撫公用先

築此  
席之

洗閣在大嶽石後僧瑞光建

清音閣在雙飛橋下瑠璃後舊有一大石名洗心臺臺上建閣今廢

菩薩閣在白水寺今廢有榜曰天下大嶽山

朝陽閣在八十四盤上

觀音閣在金剛臺上臥雲菴後閣前有小觀佛臺

楞嚴閣在比鄰

藏經閣在山頂諱光相寺

萬聖閣在普賢菴下

賢首閣在七寶臺右

亭

涼風亭在無量殿上

宗漏亭

玉液亭俱在大衆石

瑠璃亭在牛心石

接王亭在雙飛橋上

四會亭在萬年寺前有接引佛銅像

初喜亭在九嶺岡上

大歡喜亭在觀音巖上三里

思佛亭在杪欏坪

金剛際

蓮華社在九嶺岡上

九龍坪靜室在蓮華石上

象鼻巖靜室

杜多園

牛心鎮靜室

培風館在捫參歷井坊後

橋

普庵橋在聖積寺西一里

虎溪橋在伏虎寺前

涼風橋在無量殿上

解脫橋在解脫坡下

玉女橋

青竹橋俱在華嚴寺前

虎跳橋在萬年寺左一名七笑橋爲前賢張鳳翔安盤程啓克徐文華章寓之王宣建僧瑞堂題

太平橋在五十三步上

萬定橋卽古萬福橋在大巖石上

百福橋卽響水橋在歌鳳臺側

三望橋在中峰寺上

雙飛橋在牛心寺下兩山相對出牛心嶺自中亘垂

如貫珠左一水從雷洞坪遶白水寺來右一水從九

老洞遶洪椿坪來至此畛作二道雙虹跨淵凡一橋

受一水一水出一洞水分黑白勢如虬龍奮舞兩不

相下過橋始狎久之乃合有石狀如牛心鎮峽口晶

瑩如鏡觀察西山張公能鱗改爲洗心石云相傳左



橋如軒轅游勝峰時造右則自漢至宋不知經數修理古今多以此處爲義山第一勝景凡黑龍潭寶現溪水俱從此下

如出龍門也

仙女橋在息心所下窄甚

仙跡橋在山頂

天仙橋在山頂

七天橋在山頂天門石上

積善橋在觀音巖自此可達洪椿坪

一名萬度橋有上中下三道

高橋在靈巖寺前

坊

震旦第一山坊在涼風橋下卽今伏虎寺

南戒名宗坊在萬年寺前

爲天一柱坊在山頂天仙橋左  
捫參歷井坊在山頂銅瓦殿後

山後七十二古德名菴坊在山頂大佛坪右

塔

小金塔在聖積寺高二丈餘永川萬華軒施

普同塔有二一在伏虎寺迹多林有澄江大師藏骨  
一在四會亭

小石塔在玉泉池側

滲金小塔四座在山頂銅殿側妙峰募造

此寺塔在艸菴寺

肉身有二塔一是黑水一是通天

普全塔在伏虎乾溪迤多林右

大僧塔在紅珠山卽開建伏虎貫之和尚塔也

### 光燈

諸經載佛說法時恆放白毫光或七寶光是無相中之相不可思議也峩峩峩峩峰頂晝則放光夜則出燈明出普賢示現啓人生信不然何以惟菩薩道場有之他則不聞耶故志焉

佛光常放於光相寺前覩佛臺下爲萬仞溪谷臨巖作欄杆光起時寺僧鳴鐘遊侶大衆聞鐘齊集憑欄

而望放光時每在卓午先有兜羅絲雲布滿巖壑宛如玉地名曰銀色世界雲爲水波爲繖蓋爲樓臺諸狀上得日色照之遂立圓光從小漸大外暈或七重或五重五色絢縵環中虛明如鏡觀者各見自身現於鏡中舉手動足影亦如之止見已身不見傍人以此爲異此名攝身光光上有金橋如虹憑空而現若可往來有時雲氣散盡出一光如大虹霓圓似水晶映物名曰清現凡光相依雲而出其不依雲則謂之清現最難得者又有白色無紅暈者曰水光如箕形者曰辟支光如鐃鉞形者曰童子光光皆一光變態

而異名佛光未發時有鳥先飛過作聲曰佛現了佛現了佛現了已而佛光果出此類雀而稍大只有三枚別無種類飛入佛殿常就僧食但不見有長育耳凡朝山者心主誠敬則一二日內卽遇光現否則有候至旬日不現而歸者七天橋天門石巖畔亦時有光現與觀佛臺前之光無異觀李中溪游雞足山記與此光正相類可見佛菩薩境界皆同聖燈乃現於夜凡千百數明熒騰空冉冉來朝佛臺就近拾之一木葉耳然四時皆然其非楓林霜葉明矣此真聖燈凡夫無庸妄肆猜疑也

我眉山志卷之三終